

AVGVSTAE PROLI  
ARCHIDVCI AVSTRIAE  
GENETHLIACON.

In Aula Maxima Collegij Romani dictum

A B A V C T O R E

P. V B E R T I N O C A R R A R A

E S O C I E T A T E I E S V.



R O M Æ,

Apud Ioannem Baptistam Bussottum. M. DC. LXXVIII.

---

S V P E R I O R V M P E R M I S S V.

INVESTMENT

PROPERTY

OF THE

STATE OF NEW YORK

IN SENATE

January 1, 1881

REPORT



R. O. M. E.

Printed by the State Printer, Albany, N. Y.

STATE OF NEW YORK

EMINENTISSIMO PRINCIPI  
**C A R O L O P I O**  
 S. R. E. CARDINALI

Regnorum , & Prouinciarum hæreditariarum  
 Augustissimæ Domus Austriacæ  
 Protectori ,

Sacrique Rom.Imp. & Inclytæ Nationis Germanicę  
 Comprotectori .

V BERTINVS CARRARA FEL.



**P**ICI carminis Maiestatem nulli magis aptari  
 fas est Eminentiss. Princeps, quàm Cesarum  
 laudibus . Maximos enim inter mortales id  
 scribendi genus potissimum decet , quod in  
 Poëtica maximum est . Omnes hic ego Austria  
 Cæsares miscui , ut è cunctis unum facerem,  
 omnibus parem , qui non opus haberet ad pueritiæ rudimentum  
 exempla quærcere extra suos . Genethliacon igitur , quod auribus  
 iam pridem tuis exhibui, nunc etiam oculis reddo . Tenebricosum

quidem opus ingenij, & nec luce dignum, nec Proli Serenissima  
 consensaneum. At quemadmodum positis ad nascentem diem India  
 populis, tamen in corpore color noctis est, ita ab Austriae Sole recenter  
 exorto, tenebrae in carmen inductae, à magnitudine lucis Apolline  
 caligante. Verùm hoc saltem titulo fore tibi non ingratum confido,  
 quòd Austriam loquitur, cuius triumphis vel extra bellum visus  
 es militare in Fratris dextera toties victrici, quem nouissimè  
 raptum nè dicam à flammis, an consecratum, lugendum negasti,  
 Inuidiosum reputans mori pro Caesare, non lamentabile. Certastis  
 igitur ambo de Constantia mentis nobiles animae; Ille nec mortem  
 ferre fortiùs potuit, nec Tu dolorem. Accedit, quòd ex aequò ipse  
 arduas in pace curas sic administras eloquio, dexteritate, consilio,  
 ut satis liqueat, ad Austriae gloriam non minùs Te prodigum  
 sudoris, quàm ille sanguinis fuerit. Plura dici de te idem ipse  
 vetas, ubi dicendum de Caesare, nec has modicas licèt, admitteres;  
 nisi & istae in laudem Principis cederent. Vale.

**N**Asceris ò longum populis Votum, Alta propago  
 Austriadum, quos Cæsareos plusquā omnia regna  
 Mens augusta facit. Quā plenus imagine Patris  
 Occurris! Nosco geminas in vertice flammās,  
 Vagitumque grauem, qualem fuisse deceret  
 Dictæo sub monte Iouem. Ne classica belli  
 Audiri prohibete sonum, velut horrida quondam  
 Tympana Curetum, Corybantiaque æra fragorem  
 Edere certabant, per linguæ exordia primæ  
 Iuppiter ad tonitrus cum iam proluderet infans.  
 Vagiat Austriacus Cæsar; Vagitus in hostes  
 Plus poterit, quā mille tubæ; det murmura labris,  
 Feruere Germanos coget, pallefcere Thraces  
 Plus pauidos, quò plus quærent celare pauorem.

Quod poteras sperare, tenes Europa; timere  
 Quod poteras Othomanne, times; de Cæsare nato  
 Sollicitus nè quære tua præfagia Delpho;  
 Scire potes bellis genitum, quem bella dedere.  
 Scilicet audito lituorum murmure Partus,  
 Teutonicamque sonare tubam; genitrice relicta  
 Emicuit, fremituque rudi clamauit ad arma;  
 Forsitan & Patris iam festinaffet ad hastam,  
 Mollia ni teneras arctassent vincula palmas.

Tu modò blande Puer, cui toto munus ab Orbe

Nauigat, e viridi delectæ gurgite gemmæ  
 Cui veniunt, tereti meditata crepundia collo,  
 Insutoque graues auro, cui Roma laborat  
 Fasciolas, multoque sonat cruciata Cyclope  
 Lamina, quâ lateris custos effulgeat ensis,  
 Gaudeat & gracilis properata casside ceruix;  
 Nostræ etiam munus ne dedignare Camœnæ,  
 Quæ tibi dum seriem veterum monstrabit Auorum,  
 Exemplis cresces, & lacte fouebere Patrum.

Fortè acies geminas geminum diuisit in Orbem  
 Austria, hyperboreasque videns hînc Cæsaris arces,  
 Hispanas illinc; Quis me felicior inquit,  
 Quæ super Auroram, supremaque Memnonis arua,  
 Et super Atlantis metas mea regna relaxans  
 Austriacum feci Solem, quascumque per oras  
 Ætheris, ignotus nobis, vel cognitus errat,  
 Cogitur esse meus: Mea gloria currit vtroque  
 Sydere, quin sonitus metuendi nominis intrat,  
 Quò sol ire timet: Sed non hæc maxima laudum est.  
 Quæ veniunt extra, non inter nostra repono,  
 Et iactare pudet, Fortuna accepimus Vrbes,  
 Augustos dedimus. Vos me mea clara Propago,  
 Vos Dominam facitis Borealis lumina Mundi,  
 Alberti, Carolique, & Nomina magna Rodulfi,  
 Fernandi, Friderici, & tû Maxime Regum,

Terrarumque caput LEOPOLDE, ingentia regna,  
 Cuius fama potest, vbi desint arma, tueri.  
 Est tamen vnde querar, nam felicissima matrum  
 Cum semper fuerim, tantorum cincta Nepotum  
 Agmine, vt obliquo me lumine Roma videret  
 Prole superba sua, & plusquam Berecinthia felix;  
 Cæsareo modò de populo vix vnica restat  
 Ceruix, quàm moles regni inclinata recumbit.  
 Quamuis si solùm præsèntia pendere vellem,  
 Nil mihi fas esset de te Fortuna dolere,  
 Pensat enim numeri damnum, qui præsudet vnus.  
 At ventura mouent: neque enim mihi paruulus Hères  
 Vlnis ludit adhuc, qui mox crescentibus annis  
 Fulciat Herculeis genitorem Atlanta lacertis.  
 Hunc Superi dederant, quem dum complexa fouebam  
 Imperio, vt florem vernæ fauor educat auræ  
 Nimpharum decori, superadstitit inuida Clotho.  
 Tunc mea fortè puer pendebat candida circum  
 Vbera, tam similis matri, similisque parenti,  
 Quàm sibi, quem simul ac vidit rapit effera; quin nec  
 Visum morte reor; nam si vidisset, amasset  
 Vel Lachesis, feritas & delinita fuisset.  
 Cæca igitur librata manu volitauit arundo,  
 Vulnere quæ geminas animas traiecit in vno,  
 Dilectum Infantem vitalibus abstulit auris,

Meque mihi : Riguere labris tunc frigida nostris  
 Oscula, ceu pueri facies, mea palluit æquè;  
 Omnibus ægra modis, expes, miserandaque flebam,  
 Hostibus atque meis poteram quoque flenda videri.  
 Ex illo series non interrupta malorum,  
 Accessit Matris mox lamentabile funus,  
 Cæsaris inde salus, pudor heu, tentata veneno,  
 Sed fileo; menti vel tutæ immania facta  
 Sunt metuenda tamen; pars est meminisse doloris.  
 Vos modo Teutonico vigilantia Numina Mundo,  
 Quem tempestiuum forsân rapuistis Olympo,  
 Si quid vota valent, LEOPOLDO reddite Natum,  
 Altera si Coniux nunc est, sit & altera proles,  
 Debita quæ fuerant illi, huic date tempora vitæ,  
 Addite quin vitæ cum tempore, tempora famæ.

Finierat, Cœlumque tuens immota filebat;  
 Causam vultus agit, lacrymæque per ora volutæ  
 Nescio quid maius verbis potuere mereri.  
 Protinùs ex alto demittitur Æthere Diua  
 Arbitra regnorum, quæ consolantia verba  
 Diceret, illa volans, vbi constitit Austria venit,  
 Quòque magis possent mortalia lumina contra  
 Stare Deam, positos circum capita alta nitores  
 Exuit, amplexuque dato: Saluè Austria dixit.

Illa ego diuinæ sum mentis filia, rerum



Maxima molitrix, ignoto nomine vulgus  
 Quam Fortuna vocat ; diademata demere Regum  
 Frontibus, ac donare meum est, me Regna iubente  
 Surgunt, meque cadunt : nec sic mortalia verso,  
 Vt si felicem muto de paupere, tunc me  
 Pœniteat fecisse ; placent, semperque placebunt  
 Quæ placuere semel, cui sola placere necesse est  
 Optima : libertas nec ob id, vel summa potestas  
 Creditur esse minor ; mea me decreta coercent,  
 Quod non posse volo, solum me posse negabo.  
 Romanis rerum dominis donauimus olim  
 Terrarum imperium, nomenque potentis Iuli  
 Misimus è stirpe in stirpem ; prius alta Neronum,  
 Gens tulit, excepit mox Flauia, deinde rotatum est  
 Per varias Regum diadema volubile frontes,  
 Austriadum æterna donec ceruice federet.  
 Vi fundata diu nequeunt consistere regna,  
 Quæ donat Pax alma, manent. Sic illa Quiritum  
 Cui sine fine datos spondebat Iuppiter annos,  
 Quærit se fortuna nec inuenit. Abscidit ætas  
 Stirpis Iuleæ seriem, nec noscere fas est,  
 Flauia Gens vbi sit ! causas nè quære ruinæ  
 Qui dedit imperium, Mars abstulit. Austria tradit  
 Vnanimis tibi Cæsareum diadema Senatus  
 Stabis, & æternas non Mars, non Tempus habenas

Excutient manibus, nec quàm bene ſceptra miniſtres  
 In dubium populi venient, ratione probaris  
 Regno digna priùs, quàm regnes, eſſe ne poſſunt  
 Degeneres, ſibi quos animi peperere Regentes!  
 Hinc tua Progenies tercentum ducta per annos  
 Floruit, Inuidiaque fauente, & Tempore regnat.  
 Huius ego Imperio cum non ſatis vnicus eſſet,  
 Orbem alium genui: Magna illa æraria terræ  
 Pallentesque ſpecus auro, vicinaque Diti  
 Limina non homini metuenda cupidine lucri,  
 Quæ neque Pellæi tetigit Fortuna tyranni,  
 Non domitor mundi terrà, pelagòque Quirinus  
 Inuaſit populus, quò non penetrauit auari  
 Spes Crœſi, Craſſique furor, quæ per ſua nunquam  
 Somnia ſunt auſæ Graijs promittere Muſæ,  
 Seruauit Auſtriacis. hæc ſunt, hæc aurea regna,  
 Non quæ Saturno fabricaſtis ſæcula, vates.

Et dubitas Prolem Auguſtam num ſydere dextro  
 Reſpiciant ſuperi? Quòd ſi Fortuna reſlare  
 Viſa tibi, & vaſtæ corpus decreſcere molis;  
 Hos ſortis nimium excelsæ, nimiumque potentis  
 Mores eſſe ſcias; non inconcuſſa manere,  
 Aſt inuiſta poteſt. Quercus nutare cacumen  
 Flante poteſt Borca, radix immota, manetque  
 Pondere tuta ſuo; quamuis vt nulla ſuarum

Maximus Oceanus dispendia sentit aquarum,  
 Quantum etenim egeritur, tantū aduenit; Austriadum sic  
 Imperium sentire nequit, vel damna, vel vlla  
 Incrementa sui; vestræ hæc quoque gloria gentis,  
 Quam vel damna iuuant, iacturaque sola probare  
 Quàm pateant sua sceptrā, potest: vel regna, vel vrbes  
 Enumerant Reges alij, sola Austria Mundos.  
 Fortunæ nescire modum plerumque potestas  
 Magna solet, rabidique volunt solam esse Tyranni  
 Sæuitiam Regni fructum, nisi semper in armis  
 Stet folium, regnare negant, nec vincere quærunt,  
 Sed certare volunt, belli victoria bellum est.  
 Austriacis regnare datum; sed vasta potestas  
 Quod debet potuisse, potest; pro Numine pugnat,  
 Et cuius defensor adest, defenditur armis.  
 Hæredem cuperes, qui sustentare capaci  
 Sceptrā manu valeat, foliumque implere paternum?  
 Nè dubita, veniet LEOPOLDI è sanguine Proles  
 Tantos lenitura metus; nil clarius illā  
 Indole spectabis. Iam Numen, & ipsa laboro  
 Magnam animam, sudantque Atauī formare Nepotem.  
 Quoque magis possis venienti occurrere sorti,  
 Mecum agē carpe viam, ducam quā dulcis Imago  
 Prolis adorandæ, LEOPOLDO proxima regnat  
 Inter maiorum simulacra Augusta suorum.

Illic erudies simulata in imagine amorem,  
Falsaque cum dederis proludent oscula veris.

Hec ait; excelsoque iubet considerare curru,  
Iamque ruunt, geminisque grauis Quadriga Deabus  
Alta petit, volitant aquilæ per inane iugales  
Ambitione citæ: Quas non audita regentis  
Virga, aut calcar agit, maiestas ponderis vrget;  
Quæque viam pressere rotæ, se vellere lucis  
Vestit iter, puroque aër inscribitur auro.

Astra super locus est, opifex vbi prouida rerum  
Altiùs è solij despectat vertice terras;  
Naturæque vices certas, incertaque fata  
Ire iubet, Regesque legit quæcunq; regantur.  
At prius ad vitæ quàm lumina proferat, vmbrat,  
Et parit ideas; animas mox iura daturas  
Ducit ab exemplo, similique ab imagine condit.  
Hæc illæ sese tollebant ordine longo  
Regales vmbræ, vel quæ tibi iura dederunt  
Græcia, vel quarum Babylon audiuit habenas,  
Aut quæ Roma diù nequijt seruire coacta.

At qua parte polus radiat meliore sereno,  
Austriadum simulacra sedent, sed nobile Regum  
Depositum, lucis niueo velatur amictu,  
Huc vbi deueniunt, mora nulla, æterna Virago  
Siparium reteggit venerabilis Amphitheatri.

Hæsit ad aspectum miratrix Austria pompæ,  
 Nec secus obstupuit, quàm si velamine aperto  
 Scænalis ludi, spectatrix turba videret  
 Stare cothurnatum folio radiante Neronem.  
 Tum sic Diua loqui, quem cernis in ordine primum,  
 Antiquum facie, atque æui caligine sacrum,  
 Rodulfus, clarum regni caput, vnde per omnes  
 In Numen pietas descendit auita Nepotes.  
 Venatu felix, sterilis cui gloria syluæ  
 Tot sceptris fecunda fuit, de rure secuta est  
 Quem reducem, longi non rustica pompa triumphi  
 Sanguine stillantes cerui, transfossa bisontum  
 Tergora, semineces apri, seruataque ludis  
 Tigris, & ad plausus Leo deducendus arenæ;  
 Sed solium, fasces, Aquilæ, diademata, regna.  
 Quem propè non nè vides habitu bellantis vt hostes  
 Terret adhuc, fractumque in casside murmur anhelet!  
 Hic ille Albertus; vel Daco iudice, quem tu  
 Alcide conferre soles, non balteus olli  
 Thermodoontiacus, non custos diuitis horti,  
 Nesciaque hydra mori, non Tybris, non Erymanthi,  
 Inuictusque metus Lybiæ, sed Marte Boemo  
 Turbidus Octocarus, Dioterus, & Theobaldus,  
 His super Adolfus par hostibus omnibus vnus,  
 Æmulus imperij dextra metuendus, & astu,

In laudem cessere, utrosque expende labores;  
 Tam super Alciden nihil esse fatebere maius,  
 Quàm super Albertum. qui facta hæc perlegit, illa  
 Haud fieri potuisse, negat; mendacia veris  
 Inuenere fidem. Proh quanta potentia formæ,  
 Quantum oris nitidi Friderico contigit, omnes  
 Vnius in vultu exhausit natura colores.  
 Nomine signaris Pulchri pulcherrime Regum.  
 Attamen & parcè de te tua forma locuta est;  
 Quòd simul, & mentis dotes, & corporis æquet,  
 Nullum nomen habes. Titulorum quidquid in omnes  
 Spargitur, vna domus confert, Magnosque, Piosque  
 Pacificos, Fortes, Fortunatosque, Potentesque  
 Augustos omnes, omnes sua fata prementes,  
 Hæc dedit. An ne vides quanto se vertice tollant  
 Tergemini Ferdinandi ! patrimonium Mundi  
 Diuide in hos, erit angustum, quod fratribus illis  
 Musa dedit, non terra, fretum, non sufficit Æther.

Quis tacitum faciet te maximus Æmiliane  
 Pendentem scopulo; circumque infraque videntem  
 Lustra, feras, cautes, cuncta intentantia lethum  
 Spectabas, poterasque mori formidine mortis.  
 Nauigium Imperij decimæ timor vltimus vndæ  
 Tunc super errasset, nisi Numen ab axe vocatum  
 Triticæ sub nube, metus ad Tartara pulsos

Misisset, regnumque anima seruasset in vna.

Vis regnatorem Carolum, vultumque videre,  
 Quo sese tantum passa est Fortuna minorem?  
 Hic vir, hic est, cuius Romano carmine dignum  
 Nomen & historia; si sæcula fortè futura  
 A tè nosse volent, dic vno Cæsare victam  
 Europam, domitam Lybiam, Tunetumque subactam  
 Adde triumphatos Reges, pulsumque Vienna  
 Ante tubam Solimanum, dic Geldrica bella,  
 Saxoniam nullo finitam sanguine pugnam,  
 Adde per Italiam currus regaliter actos,  
 Asslantemque metu loca tuta, suamque ferentem  
 Et bellum pacemque manu, dic per mare magnum  
 Victrices egisse rates, Peruanaque sceptrum  
 Adieciſſe ſuis, Magnus quòd vincere regna  
 Sciuerit, at maior quòd ſe poſt omnia vicit;  
 A Carolo Carolus mundo ſpoliatus vtroque eſt.

Atque hinc Cæsareas animas dum sedula luſtrat  
 Austria, in auguſto defixaque tota ſenatu eſt;  
 Sublimem folio LEOPOLDVM proſpiciſt, olli  
 Hærebat dulcè arridens blandiſſima Proles,  
 Cuius & ipſa ſuos vultus ſumebat ab ore,  
 Solis vt obiectu nitidiſſima comitur Iris,  
 Non frontis vulgariſ honos, conſeſſaque talis  
 Munere Cœlicolum formæ indulgentia, qualem



Optarent Charites , atque ars ornare timeret .

Tunc Istri Regina , quis hic ? ò maxima Dium  
Fare agè , nam qui sit , non est mihi dicere promptum ,  
Et liquet esse aliquem magna de stirpe Nepotum ,  
Austriaci nosco præclara insignia labri :

Nosco Aquilam patriam volitantem tempora circum ,  
Atque Giganteo vigilatum fulmen in antro  
Præbentem Puero . Qualis constantia menti !  
Vt non formidant acies ! vt luce scæura

Pascitur , oblatumque manus extendit ad ignem ,  
Iam fortis quòd non timeat , dignusque timeri .

Illa sub hæc : clari Archiducis cui publica vota  
Suspirant , nullæque vacant à thuribus aræ ,

Hæc hæc effigies : mirari desine vultus  
Ætatem supra surgentes : mascula virtus  
Cæsaribus venit ante diem . Vix editus infans  
Belligera patriam testabitur indole terram .

Augustæ pendere volet ceruice Parentis ,  
Non tamen amplexus caperet , neque basia blanda ,  
Matris in aspectu , nisi Amazonis ora videret .

Dulce magis genitor quin experietur amata  
Os prolis , cum per galeam dabit oscula clausam .

Non lusus teneri , & carmen nutricis amicæ  
Suadebunt somnos faciles , cunabula circum

Audiat Austriadum pugnæ , nomenque quod Orbe



Grande sonat Patris, pueriles impleat aures.  
 Discat Auos, Atausque, & nomen Honoris amare,  
 Quàmque parum distant à morte, silentia vitæ.  
 Arte laboratas torua, pictasque cruentis  
 Bellorum exuuijs, & dignas Hercule cunas  
 Sentiat esse suas, interdumque aspera tangat  
 Corpora bellantum, veros dum credidit hostes.

Mox vbi lacteola vocem distinguere lingua  
 Incipiet, primis speciosa vocabula labris,  
 Et Nilum, & Gangem, tumidamque Boristhenis oram  
 Trux Infans proferre volet; bella, horrida bella  
 Mirari, patrios, & balbutire triumphos.  
 Fræna recusantem Vngariam, dominumque coactam,  
 Ferre iugum, Danis Regem, Regemque Polonis  
 Reppositum; grauiore sono sed Turcica dicet  
 Bella, cadaueribus cum tardior iret Arabo,  
 Nec reperiret iter, quâ sese euolueret Istro.  
 Tartara lassarent pœnas, & Nauita furuus  
 Exanimata graui traduceret agmina classe.  
 Quin & scire volet, quo iacta sit alea belli,  
 Quo Fortuna loco risit Germana, quis hosti  
 Det tumultum campus, quæ nam excepisse feruntur  
 Victrices Aquilas, fugientemque oppida Lunam?  
 Hæc super accendet stimulis sese æmula virtus,  
 Ætatem increpitans seram, laurosque morantes.

Pullus vt armigeræ volucris, quem rupis alebat  
 Nidus, vbi primùm firmos intelligit vngues,  
 Fulminis & patiens rostrum, negat aëre clauso  
 Viuere, iam stabula ante oculos, iam cogitat angues,  
 Bellaque, crudelesque dapes, maiorque videri  
 Iam quoque patre cupit, cuius sit gloria vinci.  
 Sic bellatrici nutritus Cæsaris aulà,  
 Cruda rudimenta, & primos in marte calores  
 Vt Puer induerit, duce se fera prælia fumi  
 Inuito Genitore petet, glacieque profundum  
 Primus erit, qui Danubium, Rhenumque sonantem  
 Infiliet cristatus eques, quæ funera cerno,  
 Palloresque maritarum. Iam Bosphorus horret  
 Primum apicem galeæ, & fatalem millibus hastam.  
 Non tamen in ferrum sic immemor ibit, vt idem  
 Nesciat esse pius, vitamque relinquere victis.  
 At quibus ignoscet, vel quos dignabitur ira,  
 Æquè felices: æqualia dona putabunt,  
 Aut iræ mortem, aut veniæ debere salutem.

Tu modò victricem propiùs complectere dextram,  
 Dum placida est; nec adhuc Asiæ de sanguine fumat.

Dixerat. Auspicijs iamque Austria læta futuris  
 Ibat in effigiem Arichiducis, labrisque ferebat  
 Oscula, sed falsis non agnoscenda labellis,

Interca Partus lux optatissima tandem

Venerat, ex aluo qua NEOBVRGICA Nupta  
 Grande puerperium explicuit, cœu rore marito  
 Concha grauis, genitalis vbi stimulauerit annus,  
 Pandit diuitias vteri, puroque sereno  
 Parturit Aurora certantem Matre lapillum;  
 At fracta de nube fragor si murmuret, intra  
 Conceptus latitans male tutæ viscera matris  
 Palpitat, & lucem properat dum visere, perdit.  
 Armorum tonitru quamuis Germania latè  
 Strideret, horrendumque sonarent omnia Martem,  
 Non tamen à strepitu Regalis inhorruit aluus,  
 Precipitante metu partum, nam fœtus in ipso  
 Fortis adhuc vtero, dubiam trepidare parentem  
 Non finit, atque illam, seseque tuctur in illa.

Protinus Augusti natalia fama per Orbem  
 Nunciat. Ante alios Ister sua gaudia Ponto  
 Septeno ore sonat, sequitur mox Rhenus, & Albis,  
 Tardior inde Tagus, Bœtisque, & Tiberis, & Arnus,  
 Eridanusque sacer, natusque ad prælia Scaldis  
 Conuenere Patrem Oceanum, socioque tumultu  
 Letitiæ det signa petunt, spectacula, ludos  
 Indicat, nunquam festas maiora per vndas  
 Gaudia, non tanto fremuissent Equora plausu;  
 Progenies animosa tui Neptune tridentis,  
 Si de pacifera remeasset Pallade victrix.

Sirenes modulis, glauci Tritones aquosis  
 Insonuere tubis, ipsæ risere procellæ,  
 Ventique, pluuiæque, & nubila visâ serena,  
 Plauderet vtque magis mutato corpore Protheus,  
 Extemplo medijs ignescere cæpit in vndis.

Par terris plausus, Montes candente fauilla  
 Altiùs attollit Vulcanus, ab igne Pyrene,  
 Adnobæ virgulta flagrant, & Taunus, & Alpes,  
 Piniferumque supercilium candescere sentit  
 Maurus Atlas, flagrant Hericinia lustra, ruinas  
 Perque suas Vesæuus apex, Lipareaque fornax  
 Gaudia proiciunt; poterant arfisse videri  
 Omnia, ni meliore Polus Phaetonte caleret.

Interea plausus graue murmur, & ignea fama  
 Protinus astra super conscendit, & impulit aures  
 Austriacæ Regnatricis; tunc fortè parabat  
 Effigiem teneri Archiducis dare brachia circum,  
 Illi complexus, illi oscula prona ferebat.

Audijt vt genitum, genitoque applaudere terram;  
 Axe ruit sine lege, sui, pariterque figuræ,  
 Immemor & cæli, terras festina reuifit.

Præcipitata via est; dederant Arctoa quadrigam,  
 Sydera, iamque aulam ingreditur, clarumque secuta  
 Vagitum ingentis Pueri, cunabula supra  
 Sternitur, & totam satiat se Cæsare vero.